

全唐詩話

全

唐

詩

話

全唐詩話目錄

卷五

于武陵

李頻

劉魯風

褚載

汪遵

盧渥

滕倪

費冠卿

李廓

薛能

曹鄴

聶夷中

張林

崔塗

章碣

方干

衛準

司空圖

秦韜玉

高駢

翁承贊

皮日休

盧延遜

裴說

張為

韓偓

曹松

杜荀鶴

鄭綮

錢翊

嚴憚

王渙

張曙

翁綬

袁皓

李濤

全唐詩王祝之五

韋莊

吳融

公乘億

羅鄴

羅隱

許棠

張蠙

鄭谷

溫憲

李昌符

李山甫

鍾離權

張道古

胡曾

伍唐珪

李昌孫

李山甫

陳谷

溫憲

信榮

張融

羅謙

羅訓

吳媽

公乘謝

王琳

韋孫

全唐詩話卷之五

宋無錫尤

袁延之輯

石門孫

濤建峰訂

于武陵

孤雲詩云南北各萬里有雲心更閒因風離海上伴月
到人間洛浦少高樹長安無舊山徘徊不可住漠漠
又東還

客中云楚人歌竹枝游子淚沾衣異國久為客寒宵頻
夢歸一封書未返千樹葉皆飛南渡洞庭水更應消

息稀

李頻

過四皓廟云東西南北人高跡自相親天下已歸漢山
中猶避秦龍樓曾作客鶴氅不為臣獨有千年後青
青廟木春

劉魯風

魯風江南投謁所知頗為典客所阻因賦一絕曰萬卷
書生劉魯風烟波萬里謁文翁無錢乞與韓知客名
紙毛生不肯通

自正元後唐文甚振以文學科第為一時之榮及其弊

也士子豪氣罵吻遊諸侯門諸侯望而畏之如劉魯
風姚崑傑柳棠胡曾之徒其文皆不足取余故載之
者以見當時諸侯爭取譽於文士此蓋外重內輕之
牙蘖如李益者一時文宗猶曰感恩知有地不上望
京樓其後如李山甫輩以一名一第之失至挾方鎮
劫宰輔則又有甚焉者矣一篇一韻初若虛文而治
亂之萌係焉余以是知其不可忽也

褚載

雲詩云盡日看雲首不迴無心都大似無才可憐光彩
一片玉萬里青天何處來賀趙觀文重試及第云一

全唐言言卷三
枝仙桂兩回春始覺文章可致身已把色絲要上第
又將綵筆冠羣倫龍泉再淬方知利火浣重燒轉更
新今日街頭看御榜大能榮耀苦心人

陸威為郎官載以文投獻數字犯其家諱威因矍然載
尋以牋致謝曰曹興之圖畫雖精終慙誤筆殷浩之
矜持太過翻達空函載字厚之登乾寧進士第

汪遵

遵幼為吏許棠應二十餘舉遵猶在胥徒善為絕句詩
而深晦縝密一旦辭役就貢會棠送客至灞澹間遇
遵于途訊曰何事至京遵曰就貢棠怒曰小吏無禮

後遵成名五年棠始登第

秦築長城比鐵牢蕃戎不敢過臨洮雖然萬里連雲際
爭及堯階三尺高遵長城詩也得名于時

遵宣城人登咸通七年進士第許棠其鄉人也平泉花
木好高樹嵩少縱橫滿目前惆悵人間不平事今朝
身在海南邊遵題李太尉平泉莊詩也

盧渥

渥字子章軒冕之盛近代無比伯仲四人咸居顯列乾
符初母憂服闋渥自前中書舍人拜陝府觀察使弟
沼前長安令除給事中弟沅自前集賢校理除左拾

遺弟沼自畿尉遷監察御史詔書疊至士族榮之及赴任陝郊自居守分司朝臣已下爭設祖筵洛城為之一空都人聳觀亘數十里渥題嘉祥驛詩曰交親榮餞洛城空秉鉞戎裝上將同星使自天丹詔下雕鞍照地數程中馬嘶靜谷聲偏響旆映晴山色更紅別後定知人易老滿街棠樹有遺風

渥在舉場甚有時稱曾於澹水逆旅遇宣宗微行意其貴人歛身避之帝呼與相見乃自稱進士盧渥帝請詩卷袖之而去他日對宰臣語及渥令主司擢第宰臣問渥與主上有何階緣渥具陳其由時亦不以為

忝

滕倪

滕倪苦心為新詩嘉聲早播遠之吉州謁宗人太守郎
中邁邁每吟其句云白髮不能容相國也同閒客滿
頭生又題鷺鷥障子云映水有深意見人無懼心邁
曰魏文惜陳思之學潘岳褒正叔之文貴集一家之
盛如此倪逼秋試捧笈告遊留詩為別悵然曰是必
不祥倪至秋卒於商於館舍聞者莫不傷焉倪詩曰
秋初江上別旌旗故國無家淚欲垂千里未知投足
處前程便是聽猿時誤攻文學身空老却返樵漁計

已遲羽翼凋零飛不得丹霄無路接差池

費冠卿

冠卿字子軍池州人久居京師感懷詩云筑獨不為苦
求名始辛酸上國無交親請謁多少難九月風到面
羞汗成冰片求名俟公道名與公道遠力盡得一名
他喜我且輕家書十年絕歸去知誰榮馬嘶渭橋柳
特地起愁聲登元和二年第母卒既葬而歸嘆曰干
祿養親耳得祿而親喪何以祿為遂隱池州九華山
長慶中殿院李行修舉其孝節拜右拾遺制曰前進
士費冠卿嘗預計偕以文中第祿不及於榮養恨每

積于永懷遂乃屏身邱園絕跡仕進守其志性十有
五年峻節無用清飈自遠夫旌孝行舉逸人所以厚
風俗而敦名教也宜承高獎以倣薄夫擢參近侍之
榮載佇移忠之效冠卿竟不應命杜荀鶴有詩弔其
墓曰凡吊先生者多傷荆棘間不知三尺墓高却九
華山天地有何外子孫無亦閒當時若徵起未必得
身還冠卿以拾遺召不起賦詩云君親同是先王道
何如骨肉一處老也知臣子合佐時自古榮華誰可
保

李廓

廓李程之子也登元和進士第大中中拜武寧節度使
不能治軍補闕鄭魯言新麥未登徐必亂旣而軍亂
果逐廓按舊史廓有詩名大中末累官至潁州刺史
再爲觀察使子晝亦登進士第

廓落第詩云榜前潛拭淚衆裏自嫌身氣味如中酒情
懷似別人暖風張樂席晴日看花塵盡是添愁客深
居乞過春

薛能

能字大拙汾州人會昌六年進士大中八年書判入等
補藍屋尉辟太原陝虢河陽從事李福鎮滑州表觀

察判官歷侍御史都官刑部員外郎福徙西川取為
節度副使咸通中攝嘉州刺史歸朝遷主客度支刑
部郎中俄刺同州京兆尹溫璋貶命權知尹事出領
感化節度入授工書復節度徐州徙忠武廣明元年
徐兵赴澌水經許能以苒帥徐軍吏懷恩館之州內
許軍懼徐人見襲大將周岌因衆怒逐能自稱畱後
能全家遇害

獻僕射相公云清如冰玉重如山百辟嚴趨禮絕攀強
虜外聞應破膽平人相見盡開顏朝廷有道青春好
門館無私白日閒致却垂衣更何事幾多詩句咏閑